


EXERCITATIO ACADEMICA

AD

PRIVILEGIUM NO-  
VVM, DE NON APPEL-  
LANDO, DUCUM BRNSUIC.  
AC LUNEBURGENSIVM

QUAM

A. D. T. O. M.



PRÆSIDE

*Magnifico, Amplissimo & Consultissimo*

VIRO

DN. JOH. OTTONE TABORE,  
U. J. D. COD. ET FEUDALIUM PLACITO-  
rum in Alma Argentoratensium Unversitate Professore  
celeberrimo, Facultatis Juridicæ Seniore ac hodiè Re-  
ctore dign. Præceptore & Fautore suo pluri-  
mum observando

*Publicè ac solenniter examinandam proponit,*

JOHAN OTTO Von Mandelslo/  
Luneburg.


*Ad diem 25. Mens. Januar.*

ARGENTORATI

Typis JOHANNIS PHILIPPI MÜLBI,  
ET JOSIÆ STÄDELII,

---

Anno M. DC. L.



*Avita prosapia gloria, suaeque virtutis claritudine Nobilissimo Dn. Respondenti. P.S.*



Uæ mihi misisti, proprio conscripta labore,  
Themata, sunt obiter lecta, probata mihi,  
Censendi arbitrium non permiscere volenti  
Tempora, quæ studiis dedita sunt aliis.  
Nec minor hinc placitis exsurgit gloria cæptis,  
Ni cui, præ propriis, fors' aliena placent.

*scr.*

*Exercit. Præses.*

---

*Splendore Generis, germanæ virtutis & eruditionis laude Nobilissimo florentissimoque  
Dn. Respondenti*

*Convictori ultra biennium mihi suavissimo.*

**M**ANDELSLOE Patris Magni Generosa propago,  
Et mensæ & cordis portio grata mei  
Quando, quod ingressus semel es, felicibus ausis  
Nobile virtutis carpere pergis, iter.  
Gaudeo Te propter, Patriamque, Patremque: precatus  
Ex animo cæptis fata secunda tuis.

*Amoris officiique testandi ergò  
gratulabundus scrib.*


Johannes Schmidt, SS. Theol. Doct.  
Prof. Ordin. & Conventus Eccle-  
siastici Præses.

Ad Nobiliss. Dn. Respond.

**D***Ecus modesta mentis atque amabiles  
Mores tuos laudare longo carmine  
Testem atque amicum dedecet domesticum.  
Te pradicat, te laude maxima vehie  
Memor tua virtutis alma Julias.  
Respondet Argentina Rheni ad flumina,  
Quâ Tabor, ille mysta maximus sacra  
Themidos, ferit sublime cælum vertice.  
Doctore tanto scandit Otto pulpita,  
Otto meus, doctisque verbis differit,  
Qua plurimo labore ad usus publicos  
Collegit, & quibus redux in patriam  
Stirpis vetusta gloriam tuebitur.  
Salve, caput carum atque flos aqualium.  
Te sospitet, tuosque conatus iuves  
Summus parens, rex & creator omnium.*

Ita ex animo precor

Paulus von Eizen.





Exercitatio Academica ad Privilegium novum de non Appellando,

DUCUM BRUNSUICENSIIUM  
AC LUNEBURGENSIIUM.

THESIS I.



Appellatio vel provocatio antiquissimam habet originem. Deprehendimus enim jam tùm, cùm Israelitæ ex Ægypto Divinâ manu educerentur, hisque ministerio Moysis, Sanctissimus ipse, justissimas leges, novam rempublicam constitueret, non obscura provocationis impressa vestigia: nempe intelligo illud, quod Exod. 18. Moyses ex consilio soceri sui constituit judices, qui deciderent causas & controversias leviores, majores ad se referrent: nec quisquam dubitaverit, quin permissum fuerit populo, si se injuria à judicibus illis affectum putaret, Moysen interpellare. *Bachov. ad Treutl. p. 2. disput. 33. th. 1. in princ.*

2. Unde non immeritò JCti ad jus naturæ eam retulisse videntur *ex c. ad Roman. 6. & 8. caus. 2. q. 6. in verbis illis: nec debet mater oblivisci filium suum*, item ex eo, quòd Apostolus Paulus Act. 25. v. 11. eâ usus est, quâ sine dubio abstinuisset, si ea juri naturæ repugnaret.

3. Est nimirum appellatio defensionis naturalis species l. 3. de 1. & 1. ut quæ succurrat contra prætensam judicis injuriam l. 1. ff. de Appell. in princ. nec credendum est, JCtum in d. l. 3. saltem censuisse defensionem naturæ jure licitam, tantùm contra manifestam & certam violentiam,

A

inju-

injuriamque bonis & famæ illatam, (*quemadmodum illum  
textum accipere videtur Bachov. d. l.*) Sed potius omnem  
injustam oppressionem arcere naturam à civibus suis vo-  
luisse, sentiendum: cùm publicè prosit, singulis legum  
adminicula & innocentix præsidia non denegari, *l. unic. C.  
de sent. Prasf. Prat.* Unde in *l. 6. de Appell.* tantus favor pro-  
vocantium est, ut non tantùm ei, qui ad supplicium duci-  
tur, provocare permittatur; verum aliì quoque nomine ejus  
cuicunque: credo enim, *ait Jctus*, humanitatis ratione  
omnem provocantem audiri debere. Propterea & tiriaca  
vocatur appellatio, contra judicis injusti venenum, *Andra.  
Knichen. de jur. Sax. non provoc. in verb. jus c. 2. n. 63. & cap.  
3. n. 58. ibid. herba Betonica contra omnia mala*, pendetque  
adeò appellatio ex eodem fonte, ex quo Magistratus omnis  
& suprema Majestas, quorum officium ea implorat, ne ho-  
stis naturæ, injustitia, domineretur; qui etiam Magistratus  
opẽ suam denegare non possunt, nisi simul officium suum  
ejurent. Cur enim, *inquit Julianus*, ad arma & rixam pro-  
cedere patiatur Prætor, quos potest suâ jurisdictione com-  
ponere *l. 13. §. acquisitum ff. de usufruct.*

4. Nec obstat his, quod Jctus in *l. 1. ff. de Appell.* di-  
cit: nonnunquam benè latis sententias in pejus reformari:  
Neq; enim utiq; melius pronunciare eum, qui novissimus  
sententiam tulit. Ex quo inferri posse videtur, cùm veritas  
juris naturalis sit, & nunquam rerum gestarum erroribus  
vitietur, *ut Ulpianus ait in l. 6. §. 1. de offic. Prasid.* non posse  
appellationem dici juris naturæ, quia interdum falsum fo-  
veat, & producat *d. l. 1. ff. de appell. & l. 25. de statu hom. ibi:  
res judicata pro veritate accipitur.*

5. Respondeo enim fieri hoc per accidens, quòd ul-  
tima sententia, quæ in appellationis instantiâ fertur, inter-  
dum injusta sit, & pejor eâ, quæ in primâ instantiâ lata erat:  
Interim intentio partis appellantis, & Legislatoris appella-  
tionem in Republicâ approbantis, non est nisi ad verum &  
justum

justum directa. Quod autem *in d. l. 25. de statu hom.* dicitur: rem judicatam pro veritate accipiendam esse, hoc fieri puto propter publicam utilitatem. Certè enim judicia constituta sunt nullam aliam ob causam, quàm ut litium finis sit. Quòd si verò non esset in Republicâ ultimum quoddam judicium, in quo terminaretur tandem cognitio, & in quo acquiescere cogerentur disceptantes, facilè apparet immortales lites fore, & progressum in infinitum admissum iri, à quo tamen natura ipsa abhorret.

6. Constituto sic, appellationem juris naturalis esse; exoritur maxima dubitatio, *an & quatenus eadem aut statutis aut privilegium restringi possit?* in quâ quæstione tractandâ, non abs re fore putavi, cum facilioris ordinis causâ, tum etiam complendo juri publico, (quod ad hoc quidem caput attinet) si mihi ante oculos ponerem novum privilegium, quod Gloriosissimus & potentissimus Imperator *cc* Ferdinandus III. anno hujus seculi 38. Illustrissimis Principibus Brunsvicensibus & Luneburgensibus, Dominis meis *cc* clementissimis &c. concessit. Quodq; productum in Ca- *cc* mèrâ imperiali est anno hujus seculi 43. mense Octob. & ab *cc* eâ, causâ cognitâ, pro insinuato acceptum. Extensum etiam noviter ad majorem summam, quemadmodum infra dicitur. In quo considerabimus 1. an possit restringi appellatio? 2. à quo possit 3. quomodo tales restrictiones accipiendæ. 4. quid per hoc privilegium nostrum veteri fuerit additum. 5. quàm utile sit terris & principatibus, Illustrissimis Principibus meis subiectis, tale privilegium. In quibus explicandis spero, candidum & benevolum lectorem, quæ pro ingenii modulo dixerò, æqui boniq; consulturum.

*Primum caput, quod attinet;* an omninò appellatio, jure naturæ licita, restringi possit? de eo neminem facile dubitaturum arbitror, cum ratio naturalis illud ipsum non obscurè insinuet. Ut enim supra indicavimus, finis omnium magistratuum, judicumque in republicâ, in eo est



positus, ut civibus justitia administretur, iidemque invicem tranquille & beatè vivant. Nam sine istorum operâ nunquam videtur respublica fore beata, cum, *ut Cic. lib. 2. epist. ad Atticum*, non vivamus inter perfectos homines, qui suâ sponte malo & alieno abstineant manus, & cupiditates habeant domitas, sed, *ut ille ait*: in facie quasi Romuli, hoc est; inter eos, qui nisi cogerentur, nunquam spontè probi essent. Ergò si eadem justitiæ ratio requirat, ut eorum sententiis robur addatur, qui aliàs infra supremum in republicâ magistratum constituti sunt, poterit sine dubio is, qui summæ rei præest, suo juri detrahere, inferiori addere. Nam salus populi suprema lex est, *Cic. de LL. Et ut Justinianus Nov. 39. c. 1. ait*, ea, quæ communiter omnibus profunt, iis, quæ specialiter quibusdam utilia sunt, præponimus.

Exemplum habemus in ipso jure Justiniano, quod nobis probet restrictionem appellationis juri naturali contrariam non esse, *l. un. de offic. præf. prætor*, ubi in §. 1. dicitur: his cunabulis præfectorum autoritas initiata, in tantum mervit augeri, ut appellari à præfectis prætorio non possit. Idem dicitur in *l. 19 C. de Appell.* & alibi ratione subiectâ in *d. l. un.* Credidisse principem eos, qui ob singularem industriam, exploratâ eorum fide & gravitate ad ejus officii magnitudinem adhibentur, non aliter judicaturos esse pro sapientiâ ac jure dignitatis suæ, quàm ipse foret judicatuus. Quæ verba evidenter innuunt, posse, scilicet ob publicam utilitatem, inferioribus à Majestate tantam potestatem concedi, ut ipsi terminum litibus civium ponant, quem aliàs sola Majestas ponere deberet, ob electam ad officia personarum industriam, & quòd unus omnibus negotiis superesse non possit.

7. Ex quo simul ad secundum caput propositum facilior aditus est. Cùm enim nemo per naturam dare non possit potestatem, quàm qui eandem, virtualiter saltem, habet; haud difficulter patet, neminem præter Imperatorem.



ratorem in republicâ nostrâ, in aliis, eum, qui Majestatem habet, hanc potestatem, remotâ appellatione cognoscendi judicandique, concedere posse. Neque enim aliis ab his jus est superioris juris intervertendi, *ex l. 20. ff. de jurisd. ibi: supra jurisdictionem, nec statuendi potestas de eo, quod publicè utile sit.* Hæc enim cura solius Majestatis propria est. Unde rectè Knichen. *d. comm. de Sax. non prov. jure verb. jus, cap. 2. n. 191. & seqq.* sentire videtur: quòd licet suo modo concedendum, sit principes Imperiî in suis territoriis, eâ uti potestate, quâ Imperator in universo Imperio: Tamen eosdem principes statuto aut lege suâ appellationes ad Cameraam prohibere aut tollere non posse; Camerales hujusmodi appellationes nihilo secius recipere, non quia defensionem auferant ista principum jussa, *quod existimaverat Gail.* ut ibidem Knichen. ait, sed quoniam Camera Imperatoris & communibus statuum suffragiis constituta est, ut ad eam beneficio appellationis causæ devolvantur, ideo si huic per statutum contradicant principes, videri eos contra legem inventionis facere & statuendi potestate destitui. *vide eundem ibid. n. 69. 70. 71. 72. 73. 74.*

8. Non tamen inde sequeretur, principes & reliquos Imperiî status nudos administratores esse, aut perpetuos quosdam usufructuarios, *ut quidam olim somnare videbantur,* cùm contra verissimum sit, eosdem provincias suas ab Imperatore & Imperio per investituram acquisitas, jure hæreditario & ad posteros transmissibili possidere, in vim utilis dominii, *arg. c. unic. §. rei autem 2. Feud. 8. atque ita tenere easdem jure patrimonii, Gail. lib. 1. de P. P. cap. 6. n. 10. Paurmeist. de jurisdict. lib. 1. cap. 26. n. 12. & lib. 2. cap. 2. n. 62. alique passim.* Tantò magis igitur verum erit, nec principes, cùm inferiores sint, Imperatoris juribus derogare; nec optimum Imperatorem jurisdictionem illorum turbare vel infringere velle, sed potius tueri, *argu. l. 23. C. de testam.*

A 3

*testament. ubi absurdum dicitur, si promiscuis actibus officia  
turbentur.*

9. Tertiò inquirendum nobis est, quomodo istius-  
modi restrictiones appellationum sint intelligendæ; nem-  
pè ut ex ante dictis constet, non tam defensio jure naturali  
competens tollitur, aut omnimoda invocatio superioris  
potestatis contra intermediorum magistratuum aut impe-  
ritiam, aut iniquitatem: hoc enim fortasse nullo jure fie-  
ret: Sed formalitas provocandi & modus solummodo tol-  
litur & alteratur, in certis causis certa<sup>q</sup>; summa in contro-  
versiam deducta, ne mali cives, quique pruritu litigandi  
æstuant, indeq; cunctationes & impedimenta executionum  
obviis ulnis amplexantur, alios in jure suo consequendo  
impediant, seipsos inanibus sumptibus vexent, licet sæpè  
obtinendi spem nullam habeant, *ut dicit Ulpianus in l. 1. de  
inoffic. testam.* Interest quippe reipublicæ, ne quis suâ re ma-  
lè utatur.

10. In his itaque restrictionibus non est existiman-  
dum, quasi subsidia juris cujusque consequendi litiganti-  
bus civibus adimantur, arctenturve, cum potius vel maxi-  
mè jura hic demum observari videas. Nam cum Justinia-  
nus Imperator *in l. un. C. ne liceat in unâ eademq; causâ ter-  
tio provoc. &c.* constituerit, ne cui debeat licere tertio in  
eâdem lite super iisdem capitulis provocatione uti: Ratio  
manifesta est, cur restrictio laxi illius juris appellandi ad  
summum in republicâ, meritò in quibusdam causis & per-  
sonis probari debeat, quòd & probabile non sit iudices in-  
feriores toties cognoscendo à recto justoq; deviare, *ex Pla-  
tonis & Thoma sententiâ, relata à Knichenio cap. 3. n. 39. &  
celeritas in sopiendis & finiendis privatorum litibus de-  
beat reipublicæ esse quàm commendatissima, l. 13. in princ.  
de judiciis.*

11. Quem etiam in finem apud omnes Germaniæ  
provincias, nominatim etiam in inferiori Saxoniâ nostrâ  
plura

plura judicia, instantiæ, gradus judicantium sapientissimo  
instituto ordinata sunt, per quæ omnia, ritè atq; ordine cau-  
sæ ventilentur, ut non absurdè dici possit, *cum sæpè citato*  
*Knichen. n. 43. c. 3.* Impossibile videri, ut aliò, quàm prote-  
landæ litis sine appellatio ad Cameram multoties interpo-  
natur, cùm litigator tot beneficiis suspensivis, & quidem in  
diversis instantiis usus, ulterius effugia quærirat. Videmus  
enim ipsa jura civilia supervacanea remedia, & frustraneos  
actus sæpè abhorrere, *textus sunt in l. 14. §. Divus. ut Lega-*  
*tor. nom. caveat. l. 1. quod metus causa. l. 45. §. fin. de Procurat.*  
Imò ubi res ordinario remedio præparari potest, ad Impe-  
ratorem recurrendum non esse, *in l. unic. C. de thesau. lib. 10.*  
manifestè traditur. Quid enim tam iniquum est, quàm sen-  
tentiam tot accedentibus consiliis dictam, tot spectatam  
oculis, tot insinuatam sensibus adhuc in dubium trahere  
conari, *contra l. 8. in fin. C. qui testament. facere possunt.* Ef-  
fer illud nihil aliud, quàm dare operam, ut per calumnian-  
tium cupidinem nullus finis litium, nulla executio esset, sed  
ut illæ omninò redderentur immortales.

12. Intelligimus jam ex dictis, privilegia de non ap-  
pellando sive generalia, hoc est omnem facultatem appel-  
landi à quibuscunq; sententiis prohibentia, *quale Carolus IV.*  
*Imperator in Aurea Bulla cap. 11. §. Und seßen darzu / omni-*  
*bus Imperii Electoribus concessit,* sive specialia, & inhibentia  
appellationem ad Majestatem in quâq; republicâ in certis  
causis & summis determinatis, *qualia pleraque reliquorum*  
*statuum imperii sunt,* non tam transferre Majestatem ipsam,  
quàm jura & signa quædam Majestatis, efficereq; , ut is cui  
hoc privilegium remota appellatione recognoscendi, con-  
cessum est, vel simpliciter & in certis causis, Imperatoris vi-  
ce sententiam proferat; unde facilè apparet, Imperatorem  
hoc jus non privativè, sed cumulativè tribuisse, scilicet re-  
tenta sibi supremâ inspectione; quo casu verum est, quod  
dicitur, Imperatorem cum quolibet statu imperii in juris-  
dictione



dictione concurrere, *arg. cap. Dudum. 14. §. nos igitur, de præbendis in sexto &c.*

13. Nec minus etiam hoc patet ex eo ipso, quòd Imperator, vel quælibet alia summa potestas, Majestatem retinet; remanere nihilominus recursum aliquem ad superiorem, nec privilegia de non appellando aliud, quàm ipsas propriè dictas appellationes tollere aut remedia æquivalentia; igitur ubi status Imperii alicui justitiâ negarèt omninò, non obstantibus privilegiis de non appellando, neglētiam hanc in officio Imperator meritò corrigeret. Quod non solùm finis summi, publicæ salutis, ratio evincit, verùm etiam expressè constitutum *in ordin. Camera part. 2. tit. 26.* quo pertinet, quod tradunt *Myns. 5. observ. 82. n. 4. & Gaill. 1. obs. 28. n. 3.* de denegatâ justitiâ, ob eamque causam competente recursum ad superiorem, non obstantibus privilegiis.

14. Ubi tamen illud prætermittendum non est, quòd licet *Gail. d. l.* tria requirat ad hoc, ut Cameræ jurisdictio propter denegatam justitiam fundetur (1.) ut judicium nondum coram inferiore iudice cœptum sit; nam cœpto semel iudicio non ex causâ denegatæ justitiæ per modum simplicis querelæ superiorem adiri, sed per appellationem causam ad Cameram devolvi (2.) ut iudex justitiam denegans immediatè Cameræ subjectus sit, (3.) ut justitia expressè & manifestè sit denegata, juramento partis, dicentis se non sperare consequi justitiam, non credi. Attamen primum requisitum falsum, judicari ab his, quos citat & sequitur *Dn. Mylerus in addit. ad Rumelinum comment. in Auream Bullam part. 2. diff. 2. th. 13. lit. b. p. 379. addita ratione ex Recess. Imperii anno 1600. §. Ob auch promotoriales,* Itemque cum *Myns. 3. obs. 58.* verius censeri: etiam in Camera juranti, *se non sperare justitiam consecuturum*, promotoriales decerni.

15. Tandem pertinet ad intelligentiam horum privile-



vilegiorum illa etiam vexata quaestio: an privilegia de non appellando simpliciter, vel in certis causis cōcessa, eo usq; se extendant, ut illorum vigore nullitatis quoq; querela, vel simpliciter vel quantum ad certam illam causam prohibita cēseri debeant? Communis regula quādam traditur à doctōribus, quod, quibuscunq; Imperatoris privilegio appellationis remedium denegetur, illis nullitatis deductio non atq; adempta censcatur, *Gail. l. 1. obser. 135. n. 3. Scipio lib. 2. Decisionum Cameralium decis. 111. n. 20. Myns. 4. obser. 63. & 64. & 5. obs. 91. & alii innumeri.* Rationes eorum sunt, 1. quod diversa & separata sint remedia nullitas & appellatio, unde eorum sublato uno, non continuo alterum, tolli, sed potius superesse, *argum. l. 21. ff. de servit. prad. urb. Gail. d. l. n. 4.* 2. Per regulam itidem generalem, quæ desumitur ex *l. 12. ff. de judic.* & expressè proponitur in *l. 32. in fin. C. de Appell.* quod, quicquid non est prohibitum, stare & permissum esse existimandū sit, ex quā regulā tanto firmior consequentia astringitur, cū sit apud doctōres in confesso, privilegia ista de non appellando esse odiosa, utpote detrahētia naturali facultati, ideoq; meritò restringenda. 3. Quod videatur hoc certo iure constitutum, *c. inter ceteras. 9. extr. de sent. & re jud.* ejus capituli verba hæc sunt: *cū causa aliqua, appellatione remota committitur, & sententia fertur iniqua, eam evacuari oportet: nec ei debet dari, si iniquitatem contineat manifestam.* Unde rectè videntur doctōres à clausulā hāc, *appellatione remota*, argumentari ad privilegium appellationes inhibens, his scilicet nullitatis quaestionem sublatam non esse. 4. Inde nec statuto, nec pacto si remittatur appellatio, nullitatem remissam esse, *Gail. d. obs. & alii inferunt*, quia nulla iniustitia major nullitate, ad eò ut iudex nulliter spoliare etiam dicatur &c.

16. His tamen omnibus, ut ut solidis rationibus suffultis, animosè rejectis, *Knichen. in d. comm. de Sax. jur. nō prov. ad verb. Privilegium c. 1. per tot.* Contrarium statuit,

putatque ab Electorum & Ducum Saxonix (de his enim ibi speciatim agit) sententiis omninò non provocari, nec nullitatis velamento posse. Disputationis prolixæ, rationes potissimæ hæc sunt 1. quod *in cap. 1. Clement. de sentent. & re judic.* dicatur; eum, qui in aliquâ causâ tres contra se sententias reportaverit, ad agendum de nullitate ipsarum vel alicujus ex eis, nullatenus debere admitti. Addens rationem in princ. ibidem, ut calumniis litigantium occurratur. 2. Quia nisi illud statueremus, inquit, privilegium redderetur inutile & ut ajunt, illusorium; facilè enim esse, ut nullitatis pallio appellationem occultemus; ita fieri, ut privilegium non rebus, sed verbis tantùm sit latum. 3. Quia non sit concedendum una via, quòd altero prohibetur *l. 16. ff. de sponsal. l. 32. ff. de pact.* cùm manifestum sit hâc ratione non attentâ, perveniri eodem nullitatis querela, quo aliàs per appellationem ventum esset, *text. in l. 46. ff. de Fidejuss.* 4. Quod Gail. *1. obs. 127. n. 6.* dicat: esse in arbitrio & optione gravati, utrum nullitatem coram eodem judice deducere velit, an verò coram judice appellationis. 5. Denique propter illa verba privilegii Saxonici: *Dasß von keinem bey oder endtorthcil/ erkandnussen/ Decreten/ abschieden/ re. appellirt/ supplicirt/ noch reducirt werden soll noch mag/ auff keinerley weisß/ vide Knich. d. l. n. 46. 47. & c.* ubi hæc verba vult omnia includere, quæ excogitari possunt n. 149. & quæ alia ibi cumulat prolixè.

17. Sed his omnibus non obstantibus verior est sententia prior, scilicet; non obstante privilegio de non appellando, super nullitate sententiæ apud superiorem *e. gr. in Camerâ Imperiali*, subditos conqueri posse, ex rationibus ante allatis: quam ipsam etiam sententiam in Camerâ observari affirmat Scipio *lib. 2. decis. Cameral. decis. III. nu. 20.* & testatur Carpzovius in Jurisprudencia forensi *p. 1. const. 20. defin. 24.* in ipsâ Saxonîâ hoc ita in praxi receptum, refertq; præjudicium Scabinorum Lipsensium, quo responsum est, cum

cum, contra privilegium de non appellando peccasse non videri, qui per viam simplicis querelæ & ex capite nullitatis causam e Ducum Vinariensium dicasterio ad Cameram Imperialem extraxerat. Ad rationes Knichenii facilis responsio, & primum quidem *ad Clement. 1. de sentent. & re judicat.* dicendum cum Myns. 6. *observ. 4.* contra tres conformes sententias etiam admitti querelam nullitatis, si nullitas ex iisdem actis probari possit in continenti *nn. 4. ibid.* Imò, etiamsi mille sententias dedisset, qui iudex incompetens erat, semper admitti exceptionem nullitatis, & impedire executionem, tametsi altiore exigat indaginem, *in fin. ibid.* Reliqua quæ objicit Knich. non sunt magni momenti: in genere n. sufficit responsio Carpzovii *loc. cit.* non reddi elusorium de non appellando privilegium, etiamsi dici queat, quemvis appellare volentem nullitatem prætere posse, quia sententia, quæ vigore privilegii de non appellando in rem judicatam transit, statim executioni mandatur, quam nullitatis exceptio, vel processus non impedit, nisi evidens & notoria foret *l. ult. C. si ex fals. Instrum. judic. sit.* Et sic privilegium de non appellando operatur hoc, quod executio in continenti, non attento nullitatis processu, fieri possit, *Gail. obs. 135. lib. 1. n. 7. in fin.*

18. Quartum caput quod discursui nostro proposuimus; discutiet: *quid & quantum privilegio Ducum Illustrissimorum Brunsvic. & Luneburg. veteri additum sit?* Et primò quidem dicimus privilegium vetus auctum esse in summa & quantitate: Notissimum enim est, cameram Imperialem, utpote supremum Imperii nostri iudicium, ne vel multitudinem causarum obrueretur, vel confunderet iurisdictiones statuum, statim ab initio ad certam quantitatem limitatum & restrictum fuisse, infra quam causæ non reciperentur, & primò quidem statutos fuisse 50. florenos Rhenenses, postea 150. tandem 300. *ex recessu Imperii de anno 1600. §. Wies* *tröl nun auch. videatur Gail. 1. obs. 123. per tot. Limn. 9. l. P. c. 2.*



2.164. Verùm ultra eam trecentorum aureorum Rhenen-  
sum summam quicquid excedit, id velut exceptio à regulà  
& privilegium est. De aliis & variis privilegiatis summis ni-  
hil attinet hic dicere. Illustrissimi Principes Brunsvicensēs  
& Luneburgenses olim à Maximiliano II. anno 1566. impe-  
traverāt, ut nisi summa excederet 400. florenos aureos à sen-  
tentiis eorū appellari non posset: Impetrantes fuerunt Hen-  
ricus & Wilhelmus piæ memoriæ principes. Hoc primum  
privilegium. Postea anno 1597. Rudolphus II. gloriosæ me-  
moriæ Imperator auxerat ad 800. florenos aureos, quod va-  
luit usque an annum 1638. quo Ferdinandus III. gloriosissi-  
mus Imperator benignissimè illud porrò auxit ad mille au-  
reos Rhenanos, verba illa sunt: *Dasß niemand von denen  
vrtheilen/ welche an Ihr Fürstlichen Cancley vnd Hoffge-  
richt aufgesprochen/vnd die weniger dann ein tausend Gold-  
gulden Hauptsumma 9. Goldgl. zu 10. thal. in sich begreifen/  
desgleichen auch in Schuldsachen/ da das debitum bekand-  
lich/ oder sonst scheinbar liquidum vnd richtig/ ob gleich die  
schulden ein weit mehrers/ als die angeregte privilegirte sum-  
ma der tausend Goldgl. antreffen würde/ vnd dann in den  
injurien vnd handlungen/ in welchen der Verleumbdungen/  
frevcl/ schmach vnd scheltwort halber Bürgerlich ad æstima-  
tionem geklagt würde/ vnd die billige æstimation die obbes-  
timbte tausend Goldgulde nicht vbertreffe/ an den Keyserli-  
chen Hoff-Rath oder das Cammergericht appelliren/suppli-  
ciren/ oder reduciren/ besondern alles was dagegen vorge-  
nommen ganz krafftlos vnd nichtig sey. Vder wan gleich die  
Hauptsach vber ein tausent Goldgulden/ doch ein jeglicher  
appellant ehe dessen appellation deferiret/ den End für ge-  
fährde/ vor dem Richter voriger instans schweren/ daß Er  
glaube eine rechtfertige sache zu haben/ vnd nicht appellire die  
Sach auff zu halten/ etiam ut præstet cautionem de refun-  
dendis expensis sub poenâ centum marcarum aurei. Tan-  
dem idem, Serenissimus & potentissimus Imperator noster,*  
usque



usque ad summam 2000. aureorum Rhenensium Clementissimè provexit, retentis iisdem formalibus, additoq; insuper privilegio Electionis Fori, an nini. Princeps conventus ab aliquo velit in aulâ Cæsarea? an Camerâ Imperiali Spirenâ respondere?

19. Summa igitur appellabilis hodiè est, *bis mille f. Rhenens.* liquidæ rationis summæ, etiâ si cætera excedat privilegiatam Quæ ampliatio non caret ratione. Nam cum naturâ æquum sit, id, quod certū est, certiorari amplius non debere *l. 1. ff. de act. empt. in fin. & 2. liquidum habeatur, quod in promptu liquidari potest, docente Antonio Fabro in C. lib. 4. tit. 23. def. 2. n. 3.* 3. in terris & provinciis Saxoniciis seu consuetudine seu legibus earum regionum introductum sit, ut super instrumentis liquidis non habentibus vitium aliquod visibile, quatenus non continent pactum turpe, contra debitorem præcisè fieri debeat executio, *ex ord. Elect. August. anno 1555. Carpzov. p. 1. Const. 17. defin. 32 n. 4.* Unde in Ducatu Brunsvicensi ex ordinatione Cancellariæ: *Sollen die appellationes so von claren Brieff vnd Siegeln interponirt nicht attendirt werden,* ita secundum D. Friderici Ulrici constitutionem, *wird auff klare Brieff vnd Siegel executivè erkand vnd keine andere exceptio, als Solutionis zugelassen.* Hinc prudentissimè Imperator non solum ex æquitate naturali, sed etiam ex officio magistratuum, (quod est lites deminuere, & unicuique jus suum quàm ocysimè tribuere,) denique convenienter legibus Saxoniciis privilegium hoc novum ita attemperavit, ut, quas controversias Saxones dedignantur per appellationes differri, eas nec ipse velit ad Cameram extrahi: iusta ratione, quod ex ante dictis patet; & prudenter etiam, quod mores Saxonum comprobavit, *facit l. 4. §. 5. & l. 7. in pr. ff. de offic. procons.*

20. Quære hic lubet, an quod de instrumento diximus locum etiam habeat in debitis aliis liquidis, quæ *licet non probentur per instrumenta, tamen per testes clarissimè probari*

*bari possunt?* Quod & ipsum affirmandum putamus, non solumper ea, quæ ex *l. 18. C. de test.* adfert Myns. *quinq. testes scilicet jure civili instrumenti fidẽ ex æquare, l. obs. 5.* sed etiam ex generalitate verborum ipsius privilegii: dicit enim Imperator simpliciter: *Da das debitum bekandlich/ oder sonst scheinbar liquidum vnd richtig/* quibus verbis, ut cuius facile patet, Imperator vult omne debitum sive ex confessione partis, seu quavis aliâ ratione liquidum & clarum, isto de non appellando privilegio gaudere debere, etsi summam bis millium supra memoratam excedat. Eadem ratio est æstimationis injuriæ civiliter petitiæ cum summam attingentis.

21. *Alterum est*, quod additum hoc privilegio de non supplicando etiam in dicta summâ privilegiata. Nam cum in generali privilegio de non appellando in certâ summâ Dd. disputent, an etiam supplicatio inhibita sit, *arg. sumpto ex l. un. C. de sent. præf. prætor. ubi non provocandi, sed supplicandi licentia datur.* Hinc Serenissimus Imperator volens optimè consultum Illustrissimis Brunsvicensium & Luneburg. Ducibus, eorumque subjectis populis; nominatim apposuit de supplicando & reducendo etiam, annullandoq; & irritum constituendo, quicquid contra factum foret. Ne quis ullâ ratione privilegium hoc ipsis interverteret, aut intervertere conari posset; melius etenim est intacta eorum jura servari, quàm post vulneratam causam remedium quærere, *l. ult. C. in quib. in integ. restit. necessar. non est.*

22. *Tertium*, quod additum privilegio, est hoc, ut etiam si summa excedat privilegiatam supra memoratam 2000. fl. Rhen. summam, non permiserit tamen Imperator simpliciter appellare, & pro cuiusque libitu; sed tùm demum, si coram Saxonice judiciis juret sanctissimum jusjurandum: (quod vulgò appellatorium vocatur; & cum juramento calumniæ magnam habet affinitatem. *Obrecht. de juram. calu. c. 4. n. 16. Reform. Ordin. Reip. Argent. pag. 32. sub. tit. iuramen-*

tum Appellationis) se credere iustā habere causā, nec protrahendæ litis studio, sed ut jus suum consequatur, Camerā appellare, Cautione insuper de refundendis impensis parti victrici interposita. Sapienter utrumq; cū nec appellatio præsidium iniquitatis esse debeat, nec lubrici litigantium relinqui ut sumptibus & expensis vexent eos, quibus gratam solutionem potius debebant.

23. *Quartum*, quod additum, est sanctio, quā poenam complexus est Imperator, & quidem, qualem olim privilegio Electorum Saxonix de nō appellando subjecit; centum marcarum auri, quæ quantam summam hodiernæ monetæ conficiant ex usu aulæ Cæsareæ & Cameræ Imperialis æstimandū putamus: quod si Knichenio hāc in re fides: complebit centum marcarum auri poena, aureos 7200. & sic 9600. florenos usuales, quorum quilibet quindecim Baziones vel viginti & unum grossos non excedit. *Knich cap. ult. dict. tract. de Sax. non prov. iure n. 16.*

24. Novum & illud est privilegium, quod Illustrissimis Principibus Brunsvic. & Luneburg. concessit Imperator Electionem Fori, si ipsi in jus fortè ab aliquo vocentur, ut possint non attentā Cameræ præventionē eligere aulam Cæsaream, vel contra: Sed istud jam nunc non attingemus, quibus sufficit breviter saltem privilegium de non appellando declarasse.

25. *Quintum caput*, quod supra nostræ disquisitioni propositum est: quā utile hoc privilegium sit terris & principatib. Illustrissimis Principibus Brunsvicens. & Luneburgensibus subiectis, quod cōcernit: Non dicā, quā arcto vinculo jungat animos subditorum superiori vel principi iustitiæ administratio, utpote ex quā intelligatur regalium finis, quæ eo nomine possidētur, cōcedunturq; ut principes suis subditis faciant iustitiam, quippe cujus causā sint instituti; Quo nomine & argumento etiam iustitiæ debitores dicuntur, *Knich. c. 3. verb. ius n. 79.* Saltem hoc considero, Quod ea ratione



ratione primum subditi Saxonici carere possint magnis impensis, & molestissimis procrastinationibus, quæ tam longinquum iter ad Cameram secum trahit necessariò, quo pacto sæpè fit, ut ex sententiâ Chilonis, Comes litis domũ redeat miseria. Possem referre, quàm tædiosæ lites Camerales, quàm propemodum nullo cum exitu, & tantum non immortales deprædicentur: *de quo Knich. d. l. & alibi passim*, Revisiones etiam à multis annis, omnium afflictorum dolendis suspiriis immobiles hæsisse, cõqueritur post Nolden. *Limnæus lib. 9. de iure publ. c. 2. p. 197. n. 198.* Nõ quòd augustissimum iudicium insimulè; sed quòd id, quod antea accidit, provinciis illis longinquis exitiosum fore, & iustitiæ adversarium, cum principibus nostris ipse Imperator, providerit: utcunq; multitudinem causarũ nimiam, aut revisionis omissionem diuturnam causari hic soleant. Supra jam tetigimus, hoc novo privilegio mores & leges Saxonicas confirmari, lites diminui, Ducum Illustrissimorum auctoritatem augeri, subditos suum jus facile & ex ordine consequi. Neq; igitur dubitandum est, sæpè memoratum Serenissimi Imperatoris privilegium ad summam Reipublicæ salutem & Saxonum felicitatem, quàm pulcherrimè facere. Habet hic populus, quod nemo puto facile negabit, & retinet firmiter multum antiquæ virtutis & fidei, delectatur simplicitate iudiciorum, & gaudet bono potius, & naturali æquo, quàm inextricabilibus disputationum labyrinthis. Unde convenientissimum moribus eorum gloriosissimi Cæsaris beneficium, quo suæ simplicitati relinquuntur, bonum, iustum, utile esse quis dubitet, cùm è fonte iustitiæ, Serenissimo Cæsare, promanarit.

*SOLI DEO GLORIA.*